



UNIVERSITÄTS-
BIBLIOTHEK
PADERBORN

Universitätsbibliothek Paderborn

Regeln Christliches Lebens

Walther, Georg

Witteberg, 1572

VD16 W 974

III. Die Krancken besuchen/ trösten/ vnd jnen behülflich sein. Krancken.
Schwachen.

urn:nbn:de:hbz:466:1-35296

III.

Die Krancken besuchen /
trösten / vnd inen behülff-
lich sein.

Krancken.

Schwachen.

Gottes Gebot.

Syrach 38. Weil der todte nu in der Kus-
ge ligt / so höre auch auff sein zugedencken / vnd
tröste dich wider vber in / weil sein Geist von
hinnen geschieden ist.

Jacobi 5. Ist jemand krank / der ruffe zu
sich die Ältesten von der Gemeine / vnd lasse sie
vber sie beten / vnd salben mit öle in dem Na-
men des HERRN. Vnd das Gebet des Glau-
bens wird dem Krancken helffen / vnd der
HERR wird in auffrichten / vnd so er hat
Sünde gethan / werden sie im vergeben sein.

Syrach am 7. Beschwere dich nicht die
Krancken zu besuchen / Denn vmb des willen
wirstu geliebet werden.

Verheiffung.

Matth. 25. Komet her jr gesegneten mei-
nes Vaters / Er erbet das Reich / das euch be-
trübet ist von anbegin der Welt / Denn ich bin
hungerig gewesen / vnd jr habt mich gespeiset /
etc.

Draw

Drawung.

Matth. 25. Gehet hin von mir ir verflucht
ten in das ewige Feuer / das bereitet ist dem
Teufel vnd seinen Engeln. Ich bin hungertig
gewesen / vnd ir habt mich nicht gespeiset.

Exempel.

Matth. 8. Da trat ein Heubtman zu Ihesu
der bat in / vnd sprach / HERR mein Knecht
ligt zu hause / vnd ist Sichtbrüchtig / vnd hat
grosse Qual / Sprich nur ein wort / so wird
mein Knecht gesund.

Luce 5. Vnd sihe / etliche Menner brach-
ten einen Menschen auff einem Bette / der war
Sichtbrüchtig / vnd sie suchten / wie sie in hinein
ein brechten / vnd fur in legten. Vnd da sie fur
dem Volck nicht funden / an welchem ort sie in
hinein brechten / stiegen sie auff ein Dach / vnd
liessen in durch die Siegel er wider / mit dem bet-
lin mitten vnter sie fur Ihesum. Vnd da er sein
Glauben sahe / sprach er zu im / Mensch / deine
Sünde sind dir vergeben.

1. Mos. 48. Darnach ward Joseph ange-
sagt / Sihe / dein Vater ist krank. vnd er nam
mit sich seine beide Söhne / Manasse vñ Ephraim
in / vnd zoge hin.

IIII.

Unserm Leib / gesundheit
vnd Leben keinen schaden

thum